

Monsieur

Come j'auois l'honneur

de me trouuer dernièrement au pres de son Ex^{ce}. et luy parler des affaires de mon filz. Je la supplie tres humblement qui luy pleut le depescher, et de considerer quil auoit lors desia este pres de trois mois par son expres commandement a la haye a poursuiure son affaire, A quy elle me fait l'honneur de me dire que son intention estoit aussi telle, et quil le ferait depescher en fort peu de iours et le renuoir content. Mais come il y aitra bien tost un mois que ie suis de retour icy, et quil na encores pleu a sadite Ex^{ce}. le faire depescher, ains de remettre tousiours de temps en temps de luy faire donner son Aste, Et que ces longs delais en un affaire qui depend seulement de sa seule e pure bone uolonte donent subiect a plusieurs de faire diuers iugemens et de parler selon leur sentiment de ces remises et longueurs si extraordinaires, Je uous prie bien affectueusement de me faire la faueur den parler a sadite Ex^{ce}. et la tres humblement supplier qui luy plaise le faire depescher bien tost, afin quil puisse aller prendre possession de sa nouuelle Charge, et par mesme moyen visiter sa femme qui a este a l'article de la mort et est encores bien malade, se quil n'ose faire pour plusieurs bones considerations sans estre premierement depesche. Et come ie ne puis nullement douter de uostre bone e entiere affection enuers moy et les miens, cela me fait auis croire que uous aiderez ~~volontiers~~ volontiers a faire sortir mon filz de cette longue poursuite, desquy il uous aura une tres grande obligation, et moy un resentiment particulier de uos bons offices. Je me recommande bien humblement en uos bones graces demeurant tousiours come ie suis

Monsieur

Vostre tres affectionné e fort assure param e seruiteur
 Justinus de nassau

A Leyden ce 28 de decembre
 1630.

[Faint, illegible handwriting on aged paper with several vertical stains.]



49
7/10
87

[Faint, illegible handwriting]



26 Jan. 1653.
2074114

Donn. 166.

A Monsieur

Monsieur de Zeisewick, Con-
seiller et secretaire de
son Excellence. L.
A la Haye.

